



Divisão de Relações Públicas, Comunicação e Educação Cívica

Agenda N° 139/III (2ª)

Reunião Plenária de Terça – feira, 11 de Março de 2014

Sessão Plenária preside husi Presidente do Parlamento Nacional Sr. Vicente da Silva Guterres hamutuk ho II Vice Presidente Sr. Hugo Aderito de Jesus, I Vice Secretária da Mesa Sra. Angelina de Jesus Machado no II Vice Secretária da Mesa Sra. Ângela Maria Corvelo Sarmento.

Antes hahu Plenária ohin nian Presidente hato'o informação ba Senhor deputado sira kona ba hahu Plenaria tarde tamba hasoru malu ho Primeiro Ministro ho Chefes Bancadas Parlamentares sira hodi koalía kona ba situação iha Laluai – Laga nebe iha problema oituan nebe resulta Membros PNTL ida kanek nebe ema civil sira uza armas hodi ataca Membros PNTL neve maka halo patrulhamento iha parte Laluai – Laga.

Presidente mos fo bem-vindo e parabéns ba Sr. Yohan Gonçalves nebe representa Timor Leste iha Olimpiade Winter iha Sochi - Rússia.

Plenária ohin nian ne'e mos participa husi Secretária de Estado dos Assuntos Parlamentares Sra. Maria Terezinha Viegas.

Período de Antes da Ordem do Dia

1. Apresentação e apreciação do relatório da Comissão de Finanças Públicas sobre *workshop* internacional sobre “Adesão de Timor-Leste à ASEAN.” Presidente convida Sr. dep. Virgílio Maria Dias Marçal husi Bancada Parlamentar CNRT nudar mos Presidente Comissão C e Sra. dep. Angelina de Jesus Machado husi Bancada Parlamentar PD nudar mos relatora ba relatório Comissão C. Depois Comissão C halo leitura, Presidente fo tempo ba Senhor deputado sira atu hato'o perguntas e preocupações maibe Senhor deputado sira ida mos la hato'o perguntas kona ba relatório husi Comissão C.
2. Apresentação e apreciação dos relatórios compilados de visitas ao distritos efetuadas pela Comissão de Finanças Públicas em 2013. Presidente fo fali tempo ba Comissão C atu halo relatório Comissão C nian kona ba visita ba distritos 12 inclui Sub Distrito Atauro. Leitura tama directamente ba conclusão e recomendação. Depois Comissão C halo relatório, Presidente fo tempo ba Senhor deputado sira atu halo apreciação kona ba relatório Comissão C. deputado sira hato'o katak relatório hirak ne'e la relevante ona tamba buat hotu liu ona. Deputado sira husu kona ba projeto uma MDG's iha Mehara nebe tuir lolos halo 200 casas maibe halo deit 150 casas. Kona ba reabilitação Pousada Lore nebe depois rehabilita uza ka lae. Kona ba Direcção Edificação e Planeamento Urbanização nebe la funciona iha Ministério das Obras Públicas. Deputado sira hato'o katak relatório hirak ne'e halao antes orçamento tama mai Parlamento Nacional. Kona ba irrigação Lauala, deputado sira husu atu halo pagamento ba companhia tuir contrato nebe maka halo ona. Depois ne'e Presidente fo fali tempo Sr. dep. Virgílio Maria Dias Marçal atu responde perguntas e preocupações husi Senhor deputado sira. Presidente mos fo tempo ba Secretária de Estado Assuntos Parlamentares atu halo comentário breve ba deputado sira. SEAPA promete katak sei submete relatório husi Comissão C nian liu kona ba relatório workshop Adesão de Timor Leste à ASEAN ba MNE;

3. Declarações Políticas das Bancadas Parlamentares. Plenária ohin nian laiha declaração política. .

4. Informações diversas husi Senhor deputado sira.

- Senhor deputado sira koalia kona ba condições estradas iha Same liu-liu iha Hatudo, Luro to'o Cassa nebe condição ladiak hotu ona, loro-loro kareta angguna ba mai iha estradas refere;
- Senhor deputado sira koalia kona ba situação Dili wainhira tama kalan nebe laiha liu movimento husi PNTL;
- Senhor deputado sira continua koalia kona ba condição estradas Dili – Aileu nebe quase at hotu ona;
- Senhor deputado husu ba RTTL.ep atu fo noticia iha sábado e domingo tamba população barak maka husu;
- Senhor deputado sira koalia kona ba projeto reabilitação estradas iha parte Carimbala – Loes nebe engenheiros sira ladun halo controlo;
- Senhor deputado sira informa katak iha Maliana grupo ilegal sira husu ba comunidade atu evacua ba foho;
- Senhor deputado sira koalia kona ba estrada iha parte Metiaut nebe maka continua koak ba beik-beik, husu atu halo manutenção rotina;
- Senhor deputado sira koalia kona ba preparação Timor Leste nian ba Cimeira CPLP liu-liu parte obras públicas e infra-estruturas;
- Senhor deputado sira koalia kona ba Ro Lusitania nebe oferece ba PNTL nebe nian divisa cabo e sargento deit, husu atu halo promoção ba membros PNTL nebe sai piloto ba ro operação PNTL nian;
- Senhor deputado sira preocupa ho acção nebe halao husi grupos ilegais contra órgão soberania no constituição. Husu ba PGR atu husu ba operador telecomunicação atu buka tuir telefone anónimo sira ne'e;
- Senhor deputado sira husu ba SEAPA atu encaminha informações nebe Senhor deputado sira levanta iha Plenaria;
- Senhor deputado sira koalia kona ba nomeação Administrador Distrito Covalima, nian processo to'o iha nebe ona;
- Senhor deputado sira koalia kona ba kareta nebe aloka ba BPU Covalima nebe simu deit husi comandante deit e kareta operação laiha;
- Senhor deputado sira koalia kona ba condição estradas iha Distrito Covalima, husu ba atu Governo hare problema ida ne'e;
- Senhor deputado sira husu ba PNTL atu oferece kareta wainhira fo escolto ba deputado sira, labele sae fali tuir deputado sira;
- Senhor deputado sira fo parabéns ba Sra. Kristy Sword Gusmão nebe maka funda organização contra cancro mama;
- Senhor deputado sira fo honra ba Matebian Nino Conis Santana nebe ohin comemora lora nia mate;
- Senhor deputado sira continua koalia kona ba condição estradas Caça – Zumalai – Suai Villa nebe quase at hotu ona;
- Senhor deputado sira koalia kona ba programa Merenda Escolar nebe orçamento atu selu cozinha sira laiha nebe sira poupa fali orçamento nebe atu sosa material;
- Senhor deputado sira koalia kona programa Bolsa da Mãe, nebe ema nebe maka inan aman sei completo mos simu programa Bolsa da Mãe;
- Senhor deputado sira informa katak iha Aldeia Datina – Suco Holarua – Manufahi, dotor iha ona maibe laiha facilidade atu dotor ne'e halo serviço;

- Senhor deputado sira informa katak durante tinan ida ona iha parte Beto ahi sempre mate horas certa, hahu husi tuku 8 kalan;
- Senhor deputado sira koalia kona ba programa audiências ho Membros Governo sira nebe Parlamento Nacional planeia ona tamba horas ne'e dadauk Ministério sira executa ona to'o 50%;

5. Informações do Senhor Secretário de Estado dos Assuntos Parlamentares Interino sobre questões suscitadas por deputado. Hato'o katak kona ba electricidade mate iha Beto sei informa ba Secetario de Estado Electricidade, kona ba programa audencia ho membros Governo ami hein calendario husi Parlamento Nacional. Kona ba orçamento PNDS nian Ministério da Estatal e Administração maka sei hato'o resposta por escrita, Governo mos sei halo distribuição ba livro orçamento hodi nue'e bele ajuda deputado sira wainhira halo audiência ho Governo

Antes atu encerra Período de Antes da Ordem do Dia nian, Presidente husu ba deputado sira katak tem que cuidado ho situação segurança e continua halo contacto ho população hodi nune'e bele acalma sira.

Período da Ordem do Dia

6. Discussão e votação na generalidade da Proposta de Lei nº 9/III (2ª) – Lei da Imprensa. Iha Plenaria Período da Ordem do Dia ne'e participa mos Secretário de Estado Assuntos Parlamentares, Sra. Maria Terezinha Viegas e Secertário de Estado Comunicação Social, sr. Nelio Issac nudar autor ba Proposta de Lei ne'e.

Presidente convida Sra. dep. Carmelita Caetano Moniz husi Bancada Parlamentar CNRT nudar mos Presidente Comissão Assuntos Constitucionais, Justiça, Administração Pública, Poder Local e Anti-Corrupção (Comissão A), Sra. dep. Benvinda Catarina Rodrigues husi Bancada Parlamentar Frente Mudança e Sra. dep. Aurora Ximenes nudar mos relatora ba relatório husi Comissão A. Depois Comissão A halo leitura ba relatório e parecer, Presidente fo tempo ba Secretária de Estado Comunicação Social atu halo explicação breve ba deputado sira kona ba Proposta de Lei ne'e. Depois Secretário de Estado halo explicação, Presidente fo tempo ba Senhor deputado sira atu halo perguntas e hato'o preocupações sobre Proposta de lei nº 9/III(2ª). Deputado sira hato'o katak iha liberdade imprensa e tenki respeita duni. Husu ba agencias sira atu halo controlo ba sira nian jornalista sira. Comissão A nian recomendações ne'e diak tebes. Depois halo discussão na generalidade, Senhor deputado sira halo votação na generalidade ho resultado votação : a favor 49, kontra 0 e abstenções 1. Hodi nune'e Proposta de Lei ne'e aprovado e sei halo discussão na especialidade.

Iikus liu Presidente encerra Plenaria e Plenária continua fali dia 17 de Março de 2014 as 09h00.

Cumprimentos

Divisão Relação Públicas, Comunicação e Educação Cívica